

Alkitab kanggo murangkalih  
Nyanggakeun

Manusa Mimiti  
Ngaraos Sedih



Ditulis ku: Edward Hughes

Ilustrasi/juru gambar ku:  
Byron Unger; Lazarus; Alastair Paterson

Disaluyukeun ku: M. Maillot; Tammy S.

Ditarjamahkeun ku: Kurnia Arifin

Diproduksi ku: Bible for Children  
[www.M1914.org](http://www.M1914.org)

©2020 Bible for Children, Inc.

Lisensi: Saderek ngagaduhan hak kanggo ngopy atanapi nyetak  
carita ieu, salami sanes kanggo tujuan komersil.



Gusti nyiptakeun sagala rupa, dunya sareng eusina. Gusti midamel jalma anu kahiji nyaeta Adam, anu sareng istrinya Hawa nempatan taman Eden. Aranjeuna teh baragja, sareng pisan,

teras leres-leres taat ka Gusti, akrab pisan sareng Gusti, sosobatan sareng Gusti. Dugika dina hiji dinten ...





"Pasti Allah ngomong kieu, sakabeh tangkal anu aya di taman ieu buah na teu meunang didahar nya?" ceuk oray nanya ka Hawa "Bungbuahan anu aya di taman ieu meunang didahar kajaba anu hiji" Hawa ngajawab "lamun ku kuring dirampa atawa didahar pasti kuring paeh". "moal, moal nepika paeh" Ceuk oray

the.





“Maneh bakal jadi siga Allah” teras Hawa jadi mikahoyong buah eta. Hawa nurut kana omongan oray teras buah eta ku Hawa teh diemam.



Saatos Hawa teu taat ka Gusti,  
Hawa ngajak Adam supados  
Adam oge ngaeman buah eta.  
Kedahna mah Adam teh nyarios  
kieu "Moal, kuring  
moal ngalanggar  
panyaur  
Gusti."





Waktos Adam sareng Hawa milampah dosa eta, ngalanggar parentah Gusti, aranjeuna sadar yen aranjeuna teh talanjang. Aranjeuna ngala daun ara, teras didamel janten sapertos cawet anu tiasa nutupan aranjeuna. Adam sareng Hawa nyumput dina rungkun, supados teu kanyahoan ku Gusti.



Dina dinten anu endah, sareng seger, pasosonten Gusti teh jalan-jalan di Taman eta. Gusti uningaeun kana naon anu tos dilakukeun ku Adam sareng Hawa. Adam nyalahkeun Hawa, Hawa nyalahkeun oray. Teras Gusti nyaur "Oray disapa, awewe bakal ngarasa nyeri lamun ngajuru." "Adam kusabab maneh geus ngalakukeun dosa, taneuh disapa jadi pinuh kujujukan jeung rungkun cucuk, maneh

kudu digawe satakertanaga sangkan unggal poe bisa dahar."





Gusti nempatkeun Adam sareng Hawa di Taman anu endah, kusabab areunjeuna nagalakukeun dosa, aranjeuna janten papisah sareng Gusti anu hirup.





Gusti nyiptakeun  
pedang anu hurung kanggo ngahalangan  
Adam sareng Hawa sangkan teu  
balik deui ka Taman. Gusti  
ngadamelkeun acuk tina kulit  
kanggo Adam sareng Hawa.  
Timana Gusti  
teh nyandak  
eta kulitna?




Dina hiji waktos, saurang anggota kuluwarga anu enggal lahir, Adam sareng Hawa teh gaduh putra, anu kahiji namina Kain. Kain teh janten patani, putra anu kadua namina Habel, Habel janten pangangon.



Dina hiji dinten Kain nyandak sababaraha sayuran  
anu bade dipasihekun ka Gusti janten kurban. Habel  
oge nyandak sababaraha embe anu pangsaena kanggo  
kurban ka Gusti teh. Gusti  
ngaraos seneng kana  
kurbana Habel.



Gusti teh teu senengeun kana kurbana Kain. Kain janten ambekeun pisan, tapi Gusti teh nyarios ka Kain "Lamun maneh migawe naon anu bener, naha kurban maneh moal ditarima?"



Kaambek Kain teh tetep wae  
aya, teu leungit. Sababaraha  
waktos ti harita di tegalan Kain  
neunggeul sareng maehan Habel.



Gusti nyaur ka Kain "Dimana Habel, adi maneh?"  
"Kuring teu nyaho", Kain ngabohong. "Naha kuring  
teh anu ngajagaan adi kuring?" Gusti ngahukum  
Kain, sagala rupa kaahlian Kain dina  
tani ku Gusti dileungitkeun, Kain  
janten jalmi anu sok ngalalana  
kaditu-kadieu.



Kain janten jauh sareng Gusti, anjeuna nikah sareng putra Adam anu istri ngajanten hiji kulawarga. Teu lami ti dinya eta kulawarga Kain teh, anakna, incuna, buyutna, minuhan tanah anu di tempat anu Kain.





Kulawarga Adam sareng Hawa oge  
tambah nyeueuran, harita mah  
manusa teh umurna langkung  
panjang dari pada ayeuna.



Waktos putrana anu namina Set lahir Hawa nyarios kieu "Allah tos masihan karunia ka kuring, masihan anak anu jadi gaganti Habel" Set teh saurang jalmi anu soleh pisan, anjeuna hirup dugi ka 912 taun, putra-putrana oge seueur pisan.



Di alam dunya teh, manusa janten jahat,  
unggal turunan the malah tambah  
jahat. Akhirna Gusti mutuskeun bakal  
ngancurkeun umat manusa. Kitu oge  
Sadaya sasatoan sareng sagala  
rupi manuk. Gusti handeueuleun  
tos nyiptakeun manusa.



Tapi aya  
saurang jalmi  
anu matak  
pikaresepen  
Gusti.



Jalmi eta namina Nuh, turunan ti Set. Nuh teh jalmina bageur pisan, soleh, anjeuna hirupna raket pisan sareng Gusti.



Anjeuna gaduh 3 putra pameget. Anjeuna oge sok ngajarkeun ka putra -putrana sangkan hirup taat ka Gusti. Ayeuna Gusti ngagaduhan rencana ngalangkungan Nuh, rencana anu khusus sareng aneh.



Manusa Mimiti Ngaraos Sedih

Carita tina Dawuhan Gusti, Alkitab

Kenging ti

Kajadian 3-6

"Ngawitan bubukana Dawuhan Gusti anu  
masihan Caang." Psalm 119:130



Rengse



Kisah Kitab Suci/Alkitab ieu nyarioskeun kasaean Gusti anu tos ngajantenkeun urang, sareng anu mikahoyong sangkan urang tiasa wanoh ka Anjeuna.

Gusti uningaen yen urang teh tos seueur milampah kasalahan, anu ku Mantena disebut dosa. Hukuman akibat tina dosa teh nyaeta pati, tapi Gusti Allah kacida mikanyaah Saderek dugika ngutus Putrana Yesus, kanggo pupus dina kai palang teras dihukum kumargi sagala dosa Saderek. Teras Yesus gugah deui sareng diangkat ka sawarga! Upami Saderek percanten ka Yesus tur neneda ka Anjeuna supados ngahampura sagala dosa Saderek, Anjeuna baris ngalaksanakeun panuhun Saderek eta! Anjeuna bakal sumping sareng linggih di lebet Saderek ayeuna keneh oge, tur Saderek bakal sasarengan sareng Anjeuna salalamina.

Upami Saderek percanten yen ieu sadaya teh hiji bebeneran, saurkeun ka Gusti sapertos kieu:

Nun Yesus, abdi percanten yen Anjeun teh Gusti, anu mijalma janten manusa tur pupus kanggo sagala dosa abdi, ayeuna Anjeun hirup deui. Sumangga sumping dina kahirupan sim abdi, hapunten sagala dosa abdi, supados abdi tiasa ngengingkeun hirup anu anyar, tur engke dina hiji waktos bakal sasarengan sareng Anjeun salalamina. Tuyun sim abdi supados taat mung ka Anjeun, teras abdi tiasa hirup kanggo Anjeun, salaku Putra Gusti, Amin.

Aos Kitab Suci sareng teras cumarios ka Gusti unggal dinten! Yohanes 3:16

